



ILEQQORIS-
SAARTUMIK
PINEQARSIN-
NAATITAAVUTIT

PISORTAT SULERIAASIANNUT
ILITSERSUUNNEQARNISSAMIK
PISARIAQARTITSISUMUT



QANOQ TAAMAATTOQARSINNAAVA?

Arlalitsigut nuanninngitsumik pineqarsinnaavutit, tamatumunngalu pissutaasut amerlasinnaapput, qanorluunniilli tamanna eqqortuliornunngilaq.

Ilinnut sullissisoq tapersiissutissannik ikiorsiissutissannillu pisinnaasannut akunnermiliuttuuvoq. Tamanna isumaqarpoq taakkua ilinnut pissaaneqartut. Pissaaneq tamanna nalinginnaasusooq peerneqarsinnaanngilaq aamma pissaaneq eqqortumik atorneqartuartillugu ajortutut isumaqartariaqanngilaq. Ajornartorsiulli uaniippoq, periutsitigut pinaveersaartitsisoqanngippat pissaaneq atornerlunneqarsinnaanera. Taakkua namminneq aqutsisuisalu tamanna akisussaaffigaat, pissaanerli atornerlunneqartillugu illit tamanna nammineq takusinnaasuugukku pitsaanagerusumillu iliuuseqarfigisinnaasuugukku pitsaassaqaq.

Inuit sukcut tamaana kukkusarput ilaatigullu kinaassusersiornermik, siumut isummereernermik, inuttassarsiulersinnaapput imaluunniit ilitsersorneqarnertik siornatigulluunniit misigisimasatik tunngavigalugit iliuuseqarsinnaallutik. Tamannali ilinnut tuttussaangilaq, taamaattumillu taamatut pisoqarsimatillugu iliuuseqarfigineqarnissaa pingaaruteqarpoq.

Pissaanermik atornerluineq nuanninngitsunillu iliuuseqarnerit suulluunniit atornerluinertut persuttaanertullu ajortigiinnaratik paasissutissanik tunniussinaveersaarneq aamma immikkoortitsineq ajorluinnartuuvoq. Iliuutsit arlaliusinnaapput, ilaallu ersarilluinnarsinnaagaluartut taamaaliorneq akuersaarneqarsinnaanngilluinnarpoq. Pitsaanagerusumik atugarissaarsinnaavutit pitsaanagerusumillu atugaqarsinnaatitaallutit.

SOOQ ILEQQORISSAARFIGINEQARNISSAT PINGAARUTEQARPA?

Sullissisuit pisussaaffigaa paasissutissanik tunissallutit, ikiorsiissutinik aqquutissiuussissallutit aamma ataqjinnittumik ileqqorissumillu sullississallutit. Ilaatigut pininnaasannik pininnaatitaaffitillu avaqqullugit allatut iliuuseqarlutik sullissisoqartarpoq.

Ikiorsiissutit pillugit oqaluttuunneqanngikkuit ikiorneqarnissannut pininnaatitaaffigisatit pissarsiarisinnaanngilatit. Taamaattoqartillugu siuariartuutissaralutit annaasinnaavatit ajornerpaamillu ajornerusumik inissisimalersinnaavutit.

Inunnit, pingaartumik ilinnut ikiuisussatut atorfinitsitanit, qanoq sullinneqarnersutit qanoq inninnut nalerisimaarninnullu aalajangiisuusinnaavoq. Eqqunngitsumik sullinneqarneq ajornerusumik inissisimalernermik kinguneqartitsisinnaavoq. Nikallungalersinnaavutit, mattussinnaavutit, naleqannginnerusutut misigilersinnaavutit ilaatigullu piginnaasatit appariaqqinnerusinnaallutik.

Qanorluunniit pisoqaraluarpat pitsaasumik, ileqqorittumik allanullu iliuuserisartakkamittut pissuseqarfigisussaavaatit. Ilaanni tamanna takujuminaassinnaasarpog taamaalillunilu iliuuserinissaanut ajornarsinerusinnaalluni. Ilisimavarpulli sapinngitsutit!



SUUT MALUGINIASSAVIGIT?

- Innuttaasumit allamit allaanerusumik sullinneqartutit
- Piaaralutik ikiorsiissummik allatigulluunniit ilinnut iluaqutaasussamik oqaluttuunneqanngitsutit.
- Ilinnut nuanninngitsumik attoraatit imaluunniit oqaluukkaatit.
- Oqarfigigaatsit taakkununnga iliuuseqaruit aatsaat ikiorsinnaagaatit
- Qunusaaraatsit
- Ikiorsiissutit, katsorsaanerit aalajangiinerillu ilinnut sorliit pitsaanerpaanersut oqaluttuarigaat, isumaqataannginnerillu pinaveersaartillugu.
- Pinngitsaaligaatsit iliuuseqarnissannulluunniit pinngitsaaligaatit.

Qulaani allanneqartut ilaat arlalilluunniit misigisimagukkit taava pisinnaasattut pissusilersorfigitissimanngilatit.



QANDQ ILIUUSEQASSAVIT?

Eqqaaneqareertut ilaat arlallilluunniit pisimappata, pitsaanerpaassaaq unitsinniarlugit iliuuseqarfigugukkit.

Nuannarinngisannik oqaluussimappatsit imaluunniit iliuuseqarsimappata isummannik oqaluttuussinnaavatit. Taamaaliorneq sapiissusermik piumasaqaateqarsinnaavoq, taamaaliornikkulli pitsaanerumik isumannaatsumillu sullinneqarnissannut qulakkeerutaassaaq.

Iluaqutaanngippata, iliuuseqarfiginissaanullu toqqissisimanngikkuit imaluunniit tatiginnissinnaajunnaaruit imaluunniit killissatit qaangerneqarsimagunik, aqutsisuanut ingerlatitseqqiisinnaavutit pisimasullu ersarissarlugit, nutaamik sullissisortaarumasinnaavutit pisortatigoortumilluunniit naammagittaalliuuteqarsinnaavutit.

Tamanna iluatsinngippat pissusilersorneq nuanninngitsoq pillugu ombudsmandimut naammagittaalliuutigisinnaavat.

Aamma akornusersuineq uteqqiappat politiit attavigisinnaavatit.



UAGUTSINNUT TUNNGASUT

Innarluutillit pillugit oqaaseqartartoqarfik Tilioq
politikkikkut attuumassuteqanngilaq Namminersorlutik
Oqartussat ataanni inissisimasoq.

Tiliup suliassaraa Kalaallit Nunaanni inuit innarluutillit
pisinnaatitaaffii qulakkiissallugit siuarsassallugillu.

Apequtissaqaruit uunga attaveqarnissannut
tikilluaqqusaavutit:

TILIOQ

Aqqusinersuaq 48, 1. sal

Boks 3081

3911 Sisimiut

ATTAVIGISIGUT

Oqaras.: + 299 34 50 10 / +299 55 19 50

Mail: info@tilioq.gl

www.tilioq.gl



TILIOQ